

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola I. Alexandri Papae IV. Ad Scholasticvm Argentinensem. De
noualium decimis.

urn:nbn:de:hbz:466:1-15974

obtentas victorias eo mortuo, tum demum res Syriæ Alexander cordi esse coeperunt: quas tamen ad exitum deducere non potuit, propter diffensionem inter Venetos & Genuenses exortam, vnde grauissimum bellum secutum est. Alexander igitur tanto malo occurrere ac mederi ex paterna commiseratione desiderans, vbi sanctam Claram ordinis sancti Francisci inter diuos retulisset, omnem operam ad componendam pacem inter eos adhibuit. Verum tam graibus implicatus curis, obiit VIII. Kalendas Iunii, anno Domini 1260. cum sedisset annos sex, menses 5. dies 13. Henricus Stero in annalibus suis ait, eum Viterbii VIII. Kalendas Iunii anno 1261 defunctum esse. Corpus eius ad ecclesiam sancti Laurentii delatum est. Erga pauperes adeo propensus fuit, ut libros aliquos contra eos descriptos improbauerit. Epistolas decretales scripsit. Viros doctos maximo fauore prosecutus semper magnifecit: inter ceteros Henricum a se cardinalem Ostiensem factum. Egregia aliquod aedificia extruxit: & ut multa paucis dicam, sanguinem post obitum sui memoriam reliquit. Sedes morte eius tribus mensibus & quatuor diebus vacauit.

EPISTOLA I.

ALEXANDRI PAPÆ IV.

AD SCHOLASTICVM ARGENTINENSEM.

De noualium decimis.

*Alexander episcopus seruus seruorum Dei dilecto filio Scholastico
Argentinensis ecclesiae salutem & apostolicam
benedictionem.*

EXHIBITA nobis dilectorum filiorum prælatorum ac religiosorum & cleri Colonensis ciuitatis & dioecesis petitio continebat, quod cum aliquas terras incoltas earumdem ciuitatis & dioecesis contingit redigi ad culturam, nobiles viri comes de Monte, & Vvaleramus frater comes Iuliacensis, ac quidam alii dictarum ciuitatis & dioecesis, afferentes ad se decimas noualium huiusmodi pertinere, illas pro sua voluntatis libito occupant,

Concil. Tom. 28.

Ooo ij

& contra iustitiam dētinent occupatas. Cum itaque do-
minus in signum vniuersalis dominii sibi decimas refe-
uarit, discretioni tuæ per apostolica scripta mandamus,
quatenus si tibi constiterit ita esse, prædictos nobiles &
alios, quod huiusmodi decimas noualium eisdem ecclæ-
siis exhibeant, & illas ab eis permittant pacifice posside-
ri, monitione præmissa per excommunicationis in perso-
nas, & in terras eorum interdicti sententias, appellatio-
ne remota, prævia ratione compellas: non obstante si
aliquibus a sede apostolica sit indultum, quod excommu-
nicari non possint, & terram ipsorum supponi ecclesiasti-
co interdicto, per literas apostolicas, quæ de indulto hu-
iusmodi plenam & expressam non fecerint mentionem,
& constitutione de duabus diætis edita in Concilio gene-
rali: ita quod ultra tertiam vel quartam aliquis extra suam
dioecesim auctoritate præsentium ad iudicium non tra-
hatur. Data Anagniæ xv. Kalendas Septembris, pontifi-
catus nostri anno primo.

EPISTOLA II.
ALEXANDRI PAPÆ IV.
AD HENRICVM CHYMENSEM EPISCOPVM.

Philippus Saltzburgensis electus, iam per decem annos
nolens ordinem presbyterii ac episcopalem suscipere
consecrationem, ab Alexandro papa deponitur, & Vi-
ricus Secovvensis episcopus ei subrogatur.

*Alexander episcopus seruus seruorum Dei venerabili fratri Chy-
mensi episcopo salutem & apostolicam benedictionem.*

IN contemptum veniens Philippus, quondam Saltzbur-
gensis ecclesiæ electus nimis videtur a se timorem Do-
mini & hominum reuerentiam abiecisse, dum adhuc mu-
nitiones & castra, & quædam alia bona ipsius ecclesiæ, in
sua detinet potestate, quasi non sufficerit dictam tenuis-
se ecclesiam in suam & multorum perniciem tanto tem-
pore viduatam. Errata igitur dicti Philippi corrigi misé-
ricorditer cupientes fraternitati tuæ per apostolica scri-
pta mandamus, quatenus ipsum ex parte nostra moneas
attentius, & inducas ut prædicta omnia venerabili fratri